

繪圖增廣昔時賢文



國家圖書館



002940435



由國家圖書館數位化、典藏



讀書
須用
意

增廣昔時賢文

昔時賢文。誨汝諄諄。集韻增廣。多見多聞。觀今宜
鑑古。無古不成今。知己知彼。將心比心。酒逢知
己飲。詩向會人吟。相識滿天下。知己能幾人。相
逢好似初相識。到老終無怨恨心。近水知魚性。近
山識鳥音。易漲易退山溪水。易反易覆小人心。
運去金成鐵。時來鐵似金。讀書須用意。一字值千
金。逢人且說三分話。未可全拋一片心。有意栽
花花不發。無心插柳柳成陰。畫虎畫皮難畫骨。知
人知面不知心。錢財如糞土。仁義值千金。流水
下灘非有意。白雲出岫本無心。當時若不登高望。
誰信東流海漾深。路遙知馬力。事久見人心。兩



富在深山有遠親

人一般心有錢堪買金。一人一般心無錢堪買針。
 相見易得好。久處難為人。馬行無力皆因瘦。人不
 風流只為貧。饒人不是癡漢。癡漢不會饒人。是
 親不是親。非親卻是親。美不美。鄉中水。親不親。故
 鄉人。鶯花猶怕春光老。豈可教人枉度春。相逢
 不飲空歸去。洞口桃花也笑人。紅粉佳人休便老。
 風流浪子莫教貧。在家不會迎賓客。出路方知少
 主人。黃金無假。阿魏無真。客來主不顧。應恐是
 癡人。貧居鬧市無人識。富在深山有遠親。誰人
 背後無人說。那箇人前不說人。有錢道真語。無錢
 語不真。不信但看筵中酒。杯盃先勸有錢人。鬧
 裡有錢靜處安身。來如風雨去似微塵。長江後



近水樓臺

浪催前浪。世上新人趨舊人。近水樓臺先得月。向陽花木早逢春。古人不見今時月。今月曾經照古人。先到為君。後到為臣。莫道君行早。更有早行人。莫信直中直。須防仁不仁。山中有直樹。世上無真人。自恨枝無葉。莫怨太陽偏。大家都是命。半點不由人。一年之計在於春。一日之計在於寅。一家之計在於和。一生之計在於勤。責人之心責己。恕己之心恕人。守口如瓶。防意如城。寧可負我。切莫負人。再三須重事。第一莫欺心。虎生猶可近。人熟不堪親。來說是非者。便是是非人。遠水難救近火。遠親不如近鄰。有茶有酒多兄弟。急難何曾見一人。人情似紙張。張薄世事如棋局。

繪圖增廣昔時賢文


二

急時濟人



新。山中也有一千年樹。世上難逢百歲人。力微休
負重。言輕莫勸人。無錢休入眾。遭難莫尋親。平
生莫作皺眉事。世上應無切齒人。士者國之寶。儒
為席上珍。若要斷酒法。醒眼看醉人。求人須求
英雄漢。濟人須濟急時無。渴時一滴如甘露。醉後
添杯不如無。久住令人賤。貧來親也疏。酒中不
語真君子。財上分明大丈夫。出家如初。成佛有餘。
積金千兩。不如明解經書。養子不教如養驢。養
女不教如養猪。有田不耕倉廩虛。有書不讀子孫
愚。倉廩虛兮歲月乏。子孫愚兮禮義疎。同君一夜
話。勝讀十年書。人不通古今。馬牛如襟裾。茫茫
四海人無數。那箇男兒是丈夫。白酒釀成延賓客。

竹籬茅舍



黃金散盡為收書。救人一命。勝造七級浮屠。城
門失火。殃及魚池。庭前生瑞草。好事不如無。欲
求生富貴。須下死工夫。百年成之不足。一旦壞之
有餘。人心似鐵。官法如爐。善化不足。惡化有餘。
水太清則無魚。人太緊則無智。知者減半。省者
全無。在家由父。出嫁從夫。癡人畏婦。賢女敬夫。
是非終日有。不聽自然無。寧可正而不足。不可
邪而有餘。寧可信其有。不可信其無。竹籬茅舍
風光好。道院僧房總不如。命裏有時終須有。命裏
無時莫強求。道院迎仙客。書堂隱相儒。庭栽棲
鳳竹。池養化龍魚。結交須勝己。似我不如無。但
看三五日。相見不如初。人情似水分高下。世事如



登高自卑

雲任捲舒。會說說都是。不會說無禮。磨刀恨不
利。刀利傷人指。求財恨不多。財多害人己。知足
常足。終身不辱。知止常止。終身不恥。有福傷財。無
福傷己。失之毫釐。差之千里。若登高必自卑。若
涉遠必自邇。三思而行。再思可矣。使口不如自
走。求人不如求己。小時是兄弟。長大各鄉里。妬
財莫妬食。怨生莫怨死。人見白頭嗔。我見白頭喜。
多少少年亡。不到白頭死。牆有縫。壁有耳。好事
不出門。惡事傳千里。賊是小人。智過君子。君子固
窮。小人窮斯濫矣。貧窮自在。富貴多憂。不以我
為德。反以我為讎。寧向直中取。不可曲中求。人
無遠慮。必有近憂。知我者為我心憂。不知我者為我

忍氣免憂



何求。晴乾不肯去。直待雨淋頭。成事莫說覆水
難收。是非只因多開口。煩惱皆因強出頭。忍得
一時之氣。免得百日之憂。近來學得烏龜法。得縮
頭時且縮頭。懼法朝朝樂。欺公日日憂。人生一
世草生一春。白髮不隨老人去。看來又是白頭翁。
月到十五光明少。人到中年萬事休。兒孫自有
兒孫福。莫替兒孫作馬牛。人生不滿百。常懷千歲
憂。今朝有酒今朝醉。明日愁來明日憂。路逢險
處難迴避。事到頭來不自由。藥能醫假病。酒不解
真愁。人貧不語水平不流。一家養女百家求。一
馬不行百馬憂。有花方酌酒。無月不登樓。三杯
通大道。一醉解千愁。深山畢竟藏猛虎。大海終須



五湖明月

納細流。惜花須檢點。愛月不梳頭。大抵選他肌
骨好。不傅脂粉也風流。受恩深處宜先退。得意濃
時便可休。莫待是非來入耳。從前恩愛反為仇。
留得五湖明月在。不愁無處下金鈎。休別有魚處。
莫戀淺灘頭。去時終須去。再三留不住。忍一句。
息一怒。饒一着。退一步。三十不豪。四十不富。五十
將相尋死路。生不認魂。死不認屍。父母恩深終
有別。夫妻義重也分離。人生似鳥同林宿。大限時
來各自飛。人善被人欺。馬善被人騎。人無橫財
不富。馬無夜草不肥。人惡人怕天不怕。人善人欺
天不欺。善惡到頭終有報。只爭來早與來遲。黃
河尚有澄清日。豈可人無得運遲。得寵思辱。安居



英雄行險

慮危。念念有如臨敵日。心心常似過橋時。英雄
行險道。富貴似花枝。人情莫道春光好。只怕秋來
有冷時。送君千里終須一別。但將冷眼看螃蟹。
看你橫行到幾時。見事莫說問事不知。閑事莫管。
無事早歸。假饒染就真紅色。也被旁人說是非。
善事可作。惡事莫為。許人一物。千金不移。龍生
龍子。虎生豹兒。龍遊淺水遭蝦戲。虎落平洋被犬
欺。一舉首登龍虎榜。十年身到鳳凰池。十年窗
下無人問。一舉成名天下知。酒債尋常行處有。人
人七十古來稀。養兒代老。積穀防饑。雞豚狗彘
之畜。無失其時。數口之家。可以無饑矣。常將有日
思無日。莫把無時當有時。時來風送滕王閣。運去

風送滕王



雷轟薦福碑。入門休問榮枯事。觀看容顏便得知。

官清書吏瘦。神靈廟作肥。息卻雷霆之怒。罷卻

虎狼之威。饒人算之本。輸人算之機。好言難得。

惡語易施。一言既出。駟馬難追。道吾好者是吾

賊。道吾惡者是吾師。路逢險處須當避。不是才人

莫獻詩。三人同行。必有我師焉。擇其善者而從之。

其不善者而改之。少年不努力。老來徒悲傷。人

有善願。天必佑之。莫喫卯時酒。昏昏醉到酉。莫罵

酉時妻。一夜受孤悽。種麻得麻。種豆得豆。天眼

恢恢。疎而不漏。見官莫向前。做客莫退後。寧添

一斗。莫添一口。螳螂捕蟬。豈知黃雀在後。不求

金玉重重貴。但願兒孫箇箇賢。一日夫妻。百世姻

雞鳴早起



緣。百世修來同船渡。千世修來共枕眠。殺人一
萬。自損三千。傷人一語。利如刀割。枯木逢春。猶
再發。人無兩度。再少年。未晚先投宿。雞鳴早看天。
將相頂頭堪走馬。公侯肚裏好撐船。富人思來
年。貧人思眼前。世上若要人情好。賒去物件莫取
錢。死生由命。富貴在天。擊石原有火。不擊乃無
烟。人學始知道。不學亦徒然。莫笑他人老。終須
還到老。但能依本分。終須無煩惱。君子愛財。取
之有道。貞婦愛色。納之以禮。善有善報。惡有惡報。
不是不報。日子未到。人而無信。不知其可也。一
人道好。千人傳實。凡事要好。須問三老。若爭小
可。便失大道。年年防饑。夜夜防盜。學者如未如



飲酒高歌

稻不學者如蒿如草。遇飲酒時須飲酒。得高歌處
且高歌。因風吹火。用力不多。不因漁父引。怎得
見波濤。無求到處人情好。不飲從他酒價高。知
事少時煩惱少。識人多處是非多。入山不怕傷人
虎。只怕人情兩面刀。強中更有強中手。惡人須用
惡人磨。會使不在家豪富。風流不用著衣多。光
陰似箭。日月如梭。天時不如地利。地利不如人和。
黃金未為貴。安樂值錢多。苟安真下品。惟有讀書高。
世間好語說盡。天下名山僧占多。為善
最樂。為惡難逃。羊有跪乳之恩。鴉有反哺之義。
你急他未急。人閒心不閒。隱惡揚善。執其兩端。
妻賢夫禍少。子孝父心寬。既墮釜甑。反顧無益。

孝子賢妻



反覆之水。收之實難。人生知足何時足。人老偷閒
且是閒。但有綠楊堪繫馬。處處有路透長安。見
者易。學者難。莫將容易得。便作等閒看。用心計
較般般錯。退步思量事事難。道路各別。養家一般。
從儉入奢易。從奢入儉難。知音說與知音聽。不
是知音莫與彈。點石化成金。人心猶未足。信了
肚賣了無。他人眼。不入你目。他人碌碌。不涉你
足。誰人不愛子孫賢。誰人不愛千鍾粟。莫把真
心空計較。五行不是這題目。與人不和。勸人養鵝。
與人不睦。勸人架屋。但行好事。莫問前程。河狹
水急。人急計生。明知山有虎。莫向虎山行。路不
行不到。事不為不成。人不勸不善。鐘不敲不鳴。



無錢方斷酒。臨老始看經。點塔七層。不如暗處一
 燈。萬事勸人休瞞昧。舉頭三尺有神明。但存方
 寸地。留與子孫耕。滅卻心頭火。剔起佛前燈。惺
 惺常不足。朦朦作公卿。衆心朗朗。不如孤月獨明。
 兄弟相害。不如自生。合理可作。小利莫爭。壯
 丹花好空入目。棗花雖小結實成。欺老莫欺少。欺
 人心不明。隨分耕鋤收地利。他時飽煖謝蒼天。
 得忍且忍。得耐且耐。不忍不耐。小事成大。相論逞
 英雄。家計漸漸退。賢婦令夫貴。惡婦令夫敗。一
 人有慶。兆民感賴。人老心未老。人窮志莫窮。人
 無千日好花。無百日紅。殺人可恕。情理難容。乍
 富不如新受用。乍貧難改舊家風。座上客常滿。樽

相論英雄



中酒不空。屋漏更遭連衣雨。行船又遇頂頭風。
 筍因落籜方成竹。魚為奔波始化龍。記得少年騎
 竹馬。看看又是白頭翁。禮儀生於富足。盜賊出於
 貧窮。天上眾星皆拱照。世間無水不朝東。君子
 安貧。達人知命。忠言逆耳。利於行。良藥苦口。利於
 病。順天者昌。逆天者亡。人為財死。鳥為食亡。
 夫妻相合好。琴瑟與笙簧。有兒貧不久。無子富不
 長。善必壽老。惡必早亡。爽口食多偏作病。快心
 事過恐生殃。富貴定要安本分。貧賤不必枉思量。
 畫水無風空作浪。繡花雖好不聞香。貪他一斗
 米。失卻半年糧。爭他一脚豚。返失一肘羊。龍歸
 晚洞雲猶濕。麝過春山草木香。平生只會量人短。

長毛瘦馬



何不回頭把自量。見善如不及。見惡如探湯。人
貧志短。馬瘦毛長。自家心裏急。他人未知忙。貧
無達士將金贈。病有高人說藥方。觸來莫與說。事
過心清涼。秋至滿山多秀色。春來無處不花香。
凡人不可面相。海水不可斗量。清清之水為土所
防。濟濟之士為酒所傷。蒿草之下。或有蘭香。茅茨
之屋。或有賢良。無限朱門生餓殍。幾多白屋出公
卿。醉後乾坤大。壺中日月長。萬事省已定。浮生
空自茫。千里送毫毛。寄物不寄失。一人傳虛百
人傳實。世事明如鏡。前程暗似漆。光陰黃金難
買。一世如駒過隙。良田萬頃。日食一升。大厦千間。
夜眠八尺。千經萬典。孝義為先。一字入公門。九

孝為義先



牛拖不出。衙門八字開。有理無錢莫進來。富從
升合起。貧因不算來。家中無才子。官從何處來。
萬事不由人計較。一生都是命安排。急行慢行。前
程只有多少路。人間私語。天聞若雷。暗室虧心。神
目如雷。一毫之惡。勸人莫作。一毫之善。與人方便。
虧人是禍。饒人是福。天眼恢恢。報應甚速。聖
賢言語。神欽鬼伏。人各有心。心各有見。口說不
如身逢。耳聞不如目見。養軍千日。用在一朝。國
清才子貴。家富小兒驕。利刀割體痕易合。惡語傷
人恨不消。公道世間惟白髮。貴人頭上不曾饒。
有錢堪出眾。無衣懶出門。為官須作相。及第必爭
先。苗從地發。樹向枝分。父子不和家不退。兄弟

田地深耕



和而家不分。國有正條。民有和約。閒時不燒香。
 急時抱佛腳。幸生太平無事日。恐逢年老不多時。
 國亂思良將。家貧思賢妻。池塘積水須防旱。田
 地深耕足養家。根深不怕風搖動。樹正何愁月影
 斜。奉勸君子各宜守己。只此程式萬無一失。

中華民國玖肆年捌月叁日

贈送



國家圖書館



002940435



線

802.81

8443

舊籍